



I Banga
Ioku - 1

Incwadi Enkulu yezindaba ezincane

ISIZULU



basic education

Department:
Basic Education
REPUBLIC OF SOUTH AFRICA


Incwadi yesi-

7

Isetshenziswa kanjani Incwadi Enkulu:




Izindaba ezikule ncwadi:



1 Ichwane elibi ledada

1



2 Imvubunofudu

11

Njengothisha, kuzodingeka uzilungiselele ukwenza isifundo sokufunda ngokuhlanganyela nekilasi lakho. Ngokujwayelekile, uma kufundwa ngokuhlanganyela wena thisha usebenzisana nekilasi lonke; kanti uma lilikhulu kakhulu kudingeka ulehluhanise amaqembu amancane, noma-ke usebenze nengxene yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganyela. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzibandakanya ezingxoxweni nalapho kukhulunya ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganyela ukuze kuthuthukiswe ukubhala ngokuhlanganyela.

Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma ikilasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukuhlala uyibambile ngenkathi kufundwa. (Bheka imiyalelo yokwenza uhlaka lokumisa incwadi ekhaveni ngemuba.)
- Sebenzisa irula ukukhomba nokulandela amagama ngenkathi ufunda.
- Uma ufuna ukugqamisa amagama athile, sebenzisa amabhamuza enkulomo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama eliodwa ngesikhathi.

Ukufunda ngokuhlanganyela kokugala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenya amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqla njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhalo, isihloko, njll.
- Dedela abafundi bazibandakanye nendaba ngokuthola ithuba lokungenelela (njengokuthi badedelwe bamemeze uma mhlawumbe kuthiwa "Gijima, gijima, gijima kakhulu, ngeke uze ungibambe kodwa mina – ngiyindoda eyisinkwa sezimanga!") uma kukhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlanzana, ukulingisa izinto ezenzeka endaben'i noma ukuphinda baxoxe izingxene zendaba bazethule ngawabo amazwi.

Ukufunda ngokuhlanganyela kwesibili


- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhoso yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden'i, ukuwacwaninga kanye nokubuza imibuzo ekhombisa ukulangazelela).

Ukufunda ngokuhlanganyela kwesithathu

- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, Ukufunda Ngokuhlanganyela kumele kubambe iqhaza ekwenzeni ngcono Ukubhala Ngokuhlanganyela, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.

Ichwane elibi ledada

Yisikhathi sokuthi achamusele la maqanda ami. Ngilindele ukubona amachwane ami ayisi-7.



uMama uDada wayehlala epulazini nomndeniwakhe. UMama uDada wayefukamele amaqanda akhe ayisi-7. Wayeselindele ukuthi achamusele.

Sanibona.

NginguMfanelo.

NginguZaZa.

NginguTsepo.



Ngikuphi?

NginguGeli.

NginguNikhi.

Emva kwalokho avuleka amaqanda
ngalinye ngalinye.

Avuleka wonke kwasala elilodwa.

Lalilikhulu leli qanda.

UMama uDada walifukamela
walifukamela iqanda elikhulu. Ekugcineni
lavuleka iqanda. Kwaphuma ichwane
lokugcina ledada. Likhulu linamandla.
Yichwane elikhulu ledada elibi.


Ngaphuma!
Ngikuphi?



Ha ha ha!

Yidada eliyisimanga.

Yidada
elixakile leli!



Wozan bantabami, masiyobhukuda.

UMama uDada wawathatha wonke
amachwane akhe waya nawo echibini.

Agxuma wonke amachwane angena
emanzini. Amadada abhukuda
etshuza, esaphaza amanzi, ezidlalela.

Ichwane elibi ledada lona libhukuda
kahle kunawo wonke amanye
amachwane.




Ichwane elibi aliphathekile kahle
epulazini.

Ezinye izilwane aziliphethe kahle.

Izikhukhukazi ziyaliqhofoza,
izinjaziyalikhonkotha.

“Bayangesaba ngoba ngimubi,”
kusho ichwane elibi.




Bonke abantu
abangithandi.

Ngiyahamba mina.



Ngobunye ubusuku labaleka ichwane
elibi ledada.

Ngiyathanda kodwa ukudlala nabo.
Bahle. Yimi nje engimubi.



Lagijima laze lafika emfuleni. Labona izinyoni eziningi ezinhle zibhukuda emfuleni. Izimpaphe zazo zazishelela kahle. Zazinemiqala emide.

Amaphiko azo abhakuza kahle ngesikhathi zindiza.



Kwafika ubusika. Kwaba neqhwa
yonke indawo.

Umfula waphenduka iqhwa.

Lagodola laphatheka kabi ichwane
elibi ledada.

“Ngizoke ngikwazi ukuzifihla”, kusho
ichwane.



Kwase kufika iNtwasahlobo.

Kwaphuma ilanga futhi, izihlahla zaba
luhlaza zaba zintsha.

Ekuseni ngelinye ilanga ichwane
elibi ledada labona amahansi amahle
ebhukuda futhi.

Ngelinye ilanga selikhulile ichwane
elibi ledada, lazibuka emanzini. Kwase
kwenzeke isimanga phela. Nalo lase
liyihansi elihle!

Bengicabanga ukuthi
ngisemubi, nginesizungu futhi
anginabani.



Yimi lo?



Laphinda lazibuka emanzini
lingakholwa ukuthi seliyihansi elikhulu
elihle.

Woza uzobhukuda nathi. Uyihansi njengathi. Uyihansi elihle kunawo wonke amahansi akhona.




Kwakukhona namanye amahansi ebhukuda eduze kwalo. Nawo amangala ukubona idada elalilibi selikhulile lilihle njengawo.

Lasondela kuwo, lakhulumma nawo,
labhukuda, lajabula kakhulu.

3

Imvubunofudu




Umntwana wemvubu wayehlala
ngokujabula nonina.

Sizani! Sizani! Uphi
umama wami?




Ngelinye ilanga kwafika isiphepho
semvula. Imvula yakhukhula
umntwana wemvubu walahleka.

Sizani! Ngisizeni! Ngisemncane,
angikwazi ukubhukuda.




Amkhukhula amanzi umntwana waya
ezansi nomfula waze wafika olwandle.



Bonke bazama ukusiza imvubu
ukuthi ibuyele emhlabathini owomile.
Basebenzisa amanethi kanye
nezimoto ukumkhipha.


Lo mntwana wemvubu unenhlanhla.
Masimnikeni igama.



Mnikeni igama lami.
Thanini ngu-Owen.

Bagcina ngokumdonsa umntwana
wemvubu bamkhipha olwandle.

Woza, Owen. Sizokuhambisa
esiqiwini sezilwane.




Ngifuna umama wami.

Bamhambisa u-Owen esiqiwini.
Wahlala esivandeni esinechibi elikhulu.


Esesesiqwini wahlangananofudu
olukhulu.

Ungubani igama lakho?




NginguMzi. Ngineminyaka
eyi-l30 ubudala.

Uzoba ngumama wami?



Imvubu encane yayimkhule unina,
kodwa ufulu lwayenza yazizwa
isithandwa futhi.



Uyabonake manje,
lalela la mtanami.

Ufudu oludala Iwabona ukuthi
u-Owen usengumntwana.
Kwadingeka ukuthi lumnakekele,
lumtholele into azoyidla nendawo
yokulala.

Ngiyakuthanda mama wami.



Imvubunofudu baba ngabangani
abakhulu. Badla, babhukuda badlala
ndawonye.



U-Owen wadlalanofudu oludala.
Wayethanda ukugibela kuMzi
emhlane.



Kamuva u-Owen wakhula wahlangana
nentombazana yemvubu eyayibizwa
ngoCleo. Namuhla uhlala ngentokozo
enkulu noCleo.

Siyakwamukela kulolu chungechunge IweZincwadi Ezinkulu. Incwadi Enkulu lena ingxene yezinewadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezihlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni lwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganya. I-CAPS, Emabangeni Aphansi iphawula ukuthi kubalulekile Ukufunda Ngokuhlanganya ekufundiseni ukufundwa kwemibhalo. Ukufunda Ngokuhlanganya kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, ndawonye nezincwadi ezihlelwe ngokwamazinga, kulungiselwe ukufezekisa yona le ngxene yoku funda.

Nokho-ke, ukusebenzisa Incwadi Enkulu enamagama amakhulu lapho fundwa ngokuhlanganya, kuyindlela enle kakku lu ngoba abafundi bakwzi ukubona amagama nezithombe, bakulandele ngenkathi ufunda, lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale bakhe isiyangi bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.


Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe noggozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulo kku.

Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2971-1



ISBN 978-1-4315-2971-1

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

Zenzele olwakho uhlaka lokumisa Incwadi Enkulu

Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

